



Klub poslanika Naša stranka – Nezavisni blok

Broj:
Sarajevo, 28.09.2020.

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
n/r g. Nebojša Radmanović, predsjedavajući

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:	28-09-2020		
Organizaciona jedinica	Klasifikaciona oznaka	Redni broj	Broj priloga
01-	50-1-	1908/20	

Na osnovu člana 8. Poslovnika Predstavničkog doma Parlamentarne skupštine Bosne i Hercegovine, podnosimo

POSLANIČKU INICIJATIVU

Nalaže se Ministarstvu pravde BiH i Ministarstvu vanjskih poslova BiH da u roku od 10 dana od dana usvajanja ove inicijative otpočnu proceduru traženja, diplomatskim i drugim prikladnim kanalima, informacija i dokumentacije od nadležnih organa Sjedinjenih Američkih Država da je Nikola Špirić bio uključen u javnu korupciju i ostvario korist od iste, „uključujući ostvarivanje nepropisne koristi tokom obavljanja javnih funkcija i ometanje javnih procesa tokom svog mandata kao člana Predstavničkog doma Parlamentarne skupštine Bosne i Hercegovine“.

OBRAZLOŽENJE

Ambasada Sjedinjenih Američkih Država u Bosni i Hercegovini odgovorila je prošle sedmice na medijske upite povodom imenovanja Nikole Špirića za člana Komisije za izbor i praćenje rada Agencije za prevenciju korupcije i koordinaciju borbe protiv korupcije, te je tom prilikom istakla da posjeduje vjerodostojne informacije da je Nikola Špirić bio uključen u javnu korupciju i ostvario korist od iste, „uključujući ostvarivanje nepropisne koristi tokom obavljanja javnih funkcija i ometanje javnih procesa tokom svog mandata kao člana Predstavničkog doma Parlamentarne skupštine Bosne i Hercegovine“.

"Kada državni sekretar posjeduje vjerodostojne informacije da je neki zvaničnik bio uključen u značajne koruptivne aktivnosti i/ili značajno kršenje ljudskih prava, Odjeljak 7031(c) nalaže se da se taj zvaničnik i članovi njegove neposredne obitelji stave na listu", također je saopšteno u odgovoru ambasade SAD u BiH.

U saopštenju State Departmenta iz 2018. godine, kada je Nikola Špirić uvršten na navedenu listu, istaknuto je da je Špirić kao „poslanik umiješan u sticanje koristi na osnovu javne korupcije, prihvatanje neprikladnih usluga u zamjenu za njegov rad kao ličnosti na javnoj poziciji sa koje se miješao u javne procese, a sve tokom mandata poslanika Predstavničkog doma“. Njemu i članovima njegove uže porodice zabranjen je ulazak u Sjedinjene Države.

U iznad navedenoj izjavi medijima Ambasade SAD-a u BiH također je navedeno: „U slučaju gospodina Špirića, vjerujemo da su njegove aktivnosti nanijele štetu i interesima Sjedinjenih Američkih Država i građana Bosne i Hercegovine. Govoreći općenito, korupcija nanosi značajnu štetu ekonomiji, društvu i sigurnosti, omogućava organizovani kriminal, te potkopava povjerenje u pravnu državu i vlast. Žalosno je da ovo nije uzeto u obzir kada se donosila odluka o njegovom izboru na navedenu poziciju“.


Uzimajući u obzir ozbiljnost ovih izjava i saopćenja, nivo detalja sadržanih u istim, te očit interes Bosne i Hercegovine da procesuiraju takve pojave, potrebno je da Ministarstvo pravde BiH i Ministarstvo vanjskih poslova BiH, djeluju prema nadležnim organima SAD-a s ciljem pribavljanja navedenih informacija i dokumentacije.

S poštovanjem,

Predrag Kojović




Aida Baručija



Mirjana Marinković-Lepić



Damir Arnaut



Poslanici u Predstavničkom domu
Parlamentarne skupštine Bosne i Hercegovine